



Ақмешіт

17 қаңтар
сейсенбі
№5 (1912)
2023 жыл

Газет
1994 жылдың 15 сәуірінен
бастап шығады

Қалалық қоғамдық-саяси әлеуметтік-
ақпараттық тарихи-танымдық газет •
E-mail: akmeshit.kz@mail.ru

апталығы

Облыс әкімі Нұрлыбек Нәлібаев Астана қаласына жұмыс сапарымен барып, бірқатар министрмен кездесті. Онда өңір үшін маңызды жобалар талқыланды.

АСТАНА САПАРЫ НЕСІМЕН МАҢЫЗДЫ?

Аймақ басшысы ҚР Экология және табиғи ресурстар министрі Зүлфия Сүлейменовамен кездесті. Бүгінде Сыр елінің шаруалары республика бойынша күрішке деген қажеттіліктің 90 пайызын өтеп келеді. Нұрлыбек Нәлібаев шаруаларды алаңдатып отырған проблема – суару желілерінің қанағаттанарлықсыз жағдайын көтерді. Жыл сайын шамамен 2 млрд м3 су жоғалады, бұл республикадағы жалпы су шығынының жартысын құрайды. Мәселені шешу мақсатында өңір басшысы суару жүйелерін қалпына келтіру және жаңғырту жобаларын іске асыруды қамтамасыз ету, су бөлу процестерін автоматтандыру және цифрландыру керектігін ұсынды. Сондай-ақ өңірдегі өзекті мәселенің бірі – Арал теңізі. Соңғы 12 жылда 8,5 млрд м3 тартылған теңіздің жағдайы алаңдатарлық. Аймақ басшысы министрге маңызды мәселені айта отыра, вегетациялық кезеңде дарияның жоғарғы сағасындағы елдермен келіссөздер жүргізіп, мәселені шешу жолдарын талқылады.



Одан кейін ҚР Ақпарат және қоғамдық даму министрі Дархан Қыдырәлімен кездесті. Аймақ басшысы мен министр облыстың қоғамдық-саяси ахуалы туралы өзекті мәселелер мен жастар саясаты саласындағы жаңа бастамаларды талқылады. Онда айтылған негізгі мәселе, министрдің ұсынысына сәйкес өңірде

Дін басқармасы қайта құрылатын болады. Сонымен бірге ашық азаматтық қоғам және бұқаралық ақпарат құралдарымен өзара байланыс орнатудың жаңа тәсілдері талқыға түсті.

2 БЕТТЕ

Өткен аптаның сенбі күні барлық облыстарда ҚР Парламенті Сенатының депутаттарын сайлауы өтті. Бұл сайлауға барлық деңгейдегі мәслихат депутаттары дауыс беруге қатысты. Сол күні Орталық сайлау комиссиясы сайлаудың қортындысын жариялады.

СЕНАТ САЙЛАУЫ ӨТТІ



Парламент Сенатының депутаттарын жанама сайлау құқығы негізінде жасырын дауыс беру арқылы таңдаушылар – мәслихаттардың депутаттары сайлағаны белгілі. Мәслихат депутаттары әдеттегідей лайық деп таңдаған кандидатты бюллетенде белгілеп, сайлау жәшігіне тастады. Айтпақшы, соңғы өткізілген кезектен тыс Перзидент сайлауындағы жаңашылдық – бюллетенде «Бәріне қарсымын» графасы Сенат сайлауында да қолданылды.

Орталық сайлау комиссиясының мәліметіне сүйенсек, Парламент Сенатындағы 20 орынға 55 кандидат үміткер ретінде тіркелген. Ең көп үміткер Алматы облысынан ұсынылған. Астана мен Шымкентте, Қызылордада үш-үштен, ал қалған өңірлерде 2 кандидаттан тіркелді. Дауыс беруге 3167 мәслихат депутаты қатысты. 20 өңір бір-бірден сенатқа лайық депутатты таңдады. Сегізінші шақырылымда 4 депутат қайта сайланды. Олар – Алматы, Жетісу, Ұлытау облысы мен Шымкент қаласынан сайланған депутаттар. Сенатқа облыс мәслихаттарының бес хатшысы, төрт әкім орынбасары, екі аудан әкімі, бір облыстық басқарма жетекшісі, министрліктің орташа дәрежедегі бір жетекшісі өткені белгілі болды. Сайланғандардың үшеуі – әйел болса, жаңа сайланған депутаттардың орташа жасы – 53, ең үлкені – 62, ең жасы – 42-де.

Сонымен облыстық сайлау комиссиясының қортындысы бойынша Қызылорда облысынан 3 үміткер сайлауға түсті. Олар – «ҚазСуШар» РМК филиалының басшысы Жорабек Нұрымбетов, Қызылорда облысының мәдениет және спорт басқармасының басшысы Руслан Рүстемов және Қызылорда қаласының әкімі Асылбек Шәменов. Сайлау нәтижесі бойынша үш кандидат арасынан ең көп дауыс жинаған үміткер Руслан Рүстемов болды.

Ақтолық НУРЛЫБАЙ

ӘКІМГЕ АЛТЫ САУАЛ

ГАЗ КЕЛЕТІН КҮН АЛЫС ЕМЕС



«Әкімге алты сауал» айдарының бүгінгі қонағы – Ақсуат ауылдық округінің әкімі Мәмбетәлі Ақмырзаев.

– Ауылдық округтің бүгінгі қоғамдық-саяси ахуалы қандай?

– Ақсуат ауылдық округіне 1 елді мекен Жақыпбек Маханбетов ауылы кіреді. Ауылдық округтің бүгінгі қоғамдық-саяси ахуалы тұрақты. Ауылда атқарылған айшықты істер бар. Ауыл халқының тұрмысын көтеру үшін қолға алынған ауқымды жобалардың арқасында округтің келбеті ажарланып, абаттандырылды. Таза ауылға айналды.



– Жыл сайынғы әкім есебі сіз үшін несімен маңызды?

– Халық көкейіндегі жүрген сұрақтарын қойып, жауаптарын алып, ұсыныс, пікірлерін білдіре алады. Тұрғындардың талап-тілегін тыңдаймыз. Сол бойынша жұмыстарды қолға аламыз. Есеп беру мен үшін халықпен кездесіп, атқарылған жұмыстарды көрсетуімен маңызды. Елді мекендегі мәселелердің шешілу жолдары тұрғындармен бірге қарастырылады.

2 БЕТТЕ

Сырдың бас қаласы жыл өткен сайын жаңғырып, жаңа құрылыс нысандары бой көтеруде. Бұл аймағымыздың ажарын ашып, сәулетіне сән қосуда.

ӘР НЫСАН ҚАТАҢ ҚАДАҒАЛАНАДЫ

Облыс әкімінің орынбасары Нұрымбет Сақтағанов пен қала әкімі Асылбек Шәменов қала аумағында салынып жатқан құрылыс нысандарын аралады.

Алдымен өткен жылы іргетасы қаланған «Неке сарайының» құрылысымен танысты. «Неке сарайының» жобалық құны – 1,5 млрд теңгені құрайды. Бас жобалаушы – «Крез-Сервис» ЖШС. Құрылыс жұмысының сапалы әрі уақытылы бітуді қадағалау ісіне жауапты мекеме – «Авангард-ПГС» ЖШС. Қазіргі таңда құрылыс жұмыстары қыс мезгіліне қарамастан тұрақты жүргізілуде. Көктем шыға жұмыс қарқын алады деп жоспарлануда. Құрылыс сызбасына сәйкес нысан барлық талапқа сай салынбақ.

Облыс әкімінің орынбасары Н.Сақтағанов мердігер мекеме басшылығына істің уақытылы сапа деңгейіне сәйкес орындалуын қатаң тапсырды.

Содан соң облыс әкімінің орынбасары мен қала әкімі бой көтеріп жатқан «Өнер» орталығында болды. Құрылыс жұмыстарын жүргізу құқығы «СМП Қызылорда» ЖШС мердігер мекемесіне міндеттелген. Фимараттың құрылысы 2023 жылы аяқталады деп күтілуде. Сыр елінің сәулетіне сән беретін үлкен сыйымдылықтағы нысан өңір көркемөнерпаздарының көз қуанышы болмақ. «Өнер» орталығы заманауи құрал-жабдықтармен толыққанды қамтамасыз етілмек. Мың адамға арналған мәжіліс залы, арнайы үйірмелерге арналған бөлмелер жұмыс істейді.

2 БЕТТЕ



Қоқыстан қалай құтыламыз?



Қоршаған ортаны қорғауда ең үлкен мәселе – қоқыс.

Күн сайын үйден шыққан қалта-қалта қоқысты лақтыра салудан әрі ойламайтынымыз да шындық. Яғни қоқыс мәселесі мұнымен аяқталмайды.

Шыны керек, қоқысты әр жерге тастау әлі де жоқ емес. Бізде әлі де қоршаған ортаға жанашырлықпен қарау, тазалық сақтау мәдениеті жоғары деңгейде емес. Дегенмен тазалыққа үндеген белсенділер мен қозғалыстар жұмысы нәтижесіз емес. «Жақында «Stop musog» жарнамасына көзім түсті. Айналаны таза ұстауға үндеуге, халықтың экологиялық мәдениетін қалыптастыруға үлес қосқысы келген жандардың хабарласуы үшін байланыс нөмірін де жазып қойған екен. Біз байланысқа шығып, аталған жоба жайында сұрадық. Жоба үйлестірушісі Асыл Оқапованың айтуынша, «Stop musog» жобасы «Қазақстанның экологиялық ұйымдарының қауымдастығы» заңды тұлғалар бірлестігінің бастамасымен 2020 жылдан бастап жүзеге асуда.

4 БЕТТЕ

